

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA INVESTICIJE I POSLOVE MJESNIH ZAJEDNICA

Broj: 03-04-4359/21  
Lukavac, 06.12.2021. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 03-04-4359/21 od 03.12.2021. godine u otvorenom postupku javne nabavke radova na ograđivanju i postavljanju rasvjete na sportskom poligonu na parceli k.č. broj 2523/2 KO Lukavac, pomoćniku općinskog načelnika Službe za investicije i poslove mjesnih zajednica d o n o s i

**O D L U K U**  
**o izboru najpovoljnijeg ponuđača**

**Član 1.**

Prihvata se preporuka Komisije za provođenje postupka javne nabavke broj: 03-04-4359/21 od 03.12.2021. godine i ugovor za nabavku radova na ograđivanju i postavljanju rasvjete na sportskom poligonu na parceli k.č. broj 2523/2 KO Lukavac dodjeljuje se ponuđaču E&D Baukop d.o.o. Lukavac ponuda broj: 27/2021 od 17.11.2021. godine, za ponuđenu cijenu u vrijednosti od 31.485,72 KM bez PDV-a, kao najpovoljnijem ponuđaču.

**Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 03-02-4342/21 od 27.10.2021. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 26.900,00 KM.

Obavještenje o nabavci broj: 719-1-3-121-3-165/21 objavljeno je na Portalu javnih nabavki dana 28.10.2021. godine.

Komisija za provođenje postupka nabavke imenovana Rješenjem broj: 02-04-75-88/21 od 01.11.2021. godine dostavila je ugovornom organu-Pomoćniku općinskog načelnika za Službu za investicije i poslove mjesnih zajednica Zapisnik o pregledu i ocjeni ponuda broj: 03-04-4359/21 od 03.12.2021. godine, Preporuku o izboru najpovoljnijeg ponuđača broj: 03-04-4359/21 od 03.12.2021. godine i Izvještaj o radu broj: 03-04-4359/21 od 03.12.2021. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:



- da su u predmetnom postupku primljene dvije ponude, a da neblagovorenenih ponuda nije bilo;
- da su ponude ponuđača: E&D Baukop d.o.o. Lukavac i ELEKTROCENTAR Petek d.o.o. Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijanjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 26.900,00 KM i da je kriterij za dodjelu ugovora ekonomski najpovoljnija ponuda sa podkriterijima cijena 98% i rok plaćanja 2%. Naime, Komisija je konstatovala da vrijednost ponude ponuđača iznosi E&D Baukop d.o.o. Lukavac 58.151,79 KM bez PDV-a, odnosno da cijena najniže prihvatljive ponude prelazi iznos sredstava obezbjeđen za ovu nabavku. Obzirom na navedeno, Komisija se, pismenim putem, obratila ugovornom organu da isti utvrdi da li postoji mogućnost povećanja budžeta u iznosu od 4.585,72 KM bez PDV-a i dodijele ugovora, te da pisanim putem obavijesti Komisiju. Komisija je od ugovornog organa zaprimila Odgovor broj: 03-04-4359-1/21 od 19.11.2021. godine u kojem stoji da su dodatna sredstva obezbijeđena Budžetom općine Lukavac za 2021. godinu.

Ponuđač E&D Baukop d.o.o. Lukavac dostavio je prihvatljivu ponudu sa cijenom od 31.485,72 KM bez PDV-a i rokom plaćanja 60 (sezdeset) dana od dana prijema fakture koja je u odnosu na kriterij za dodjelu ugovora ocijenjena kao najpovoljnija.

Zbog naprijed navedenog odlučeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac-Služba za investicije i poslove mjesnih zajednica, Trg Slobode 1, 75 300 Lukavac. Žalba se podnosi u najmanje tri primjerka.

POMOĆNIK OPĆINSKOG NAČELNIKA  
ZA SLUŽBU ZA INVESTICIJE POSLOVE MJESNIH ZAJEDNICA  
(ovlaštenje broj: 02-30-6245/20 od 21.12.2020. godine)

Emir Begić, dipl.ecc.



#### **Dostaviti:**

1. E&D Baukop d.o.o. Lukavac
2. ELEKTROCENTAR Petek d.o.o. Tuzla
3. Arhivi.-